

16. marts 2017

Inatsisartut suleriaasianni § 33 naapertorlugu Inatsisartut aalajangiiffigisassaattut siunnerssuut imaattoq matumuuna saqqummiuppara:

Aalisarneq pillugu Inatsisartut Inatsisaat allanngor-teqqullugu imaalillugu Kalaallit Nunaata kitaani raajanut TAC –ip agguanneqarnerani sinerissap qanittuani aalisartunut avataasior-tunullu assigiimmik 50/50-ngortillugu suliareqqullugu Naalakkersuisut peqquneqarnissaan-nik Inatsisartut aalajangiiffigisassatut siunnerssuut.

(Inatsisartunut ilaasortaq Nikolaj Jeremiassen, Siumut)

Tunngavilersuut:

Inatsisartut inatsisaat nr. 5, 21. maj 2002 naapertorlugu maannakkut ukiorpaalunngortuni Kalaallit Nunaata Kitaani ukiumut raa-jartassiisutit TAC-ip iluani tamakkiisut (100%) agguanneqartarnerini toqqammavigineqartartoq 57 %-tit avataasior-tunut aammalu 43%-tit sinerissap qanittuar-miunut Inatsisartut Aalisarnermut Inatsi-saanni allaqqasoq, assigiimmik agguarneqarluni **50/50-inngortinnissaa** pisariaqarpoq, Inatsisartut Aalisarnermut Inatsisaata allanngortinneratigut piviusunngortinneqartariaqarluni.

Taamatut piunasaqarninnut toqqammavigisakka makku erseqqissaatigissavakka:

- Uumasorsiuut imartatsinni pisuussutinik misissuinerminni ilisimalersimammassuk, raajaqas-sutsikkut sinerissap qanittuani raajat allanngujaatsumik inissisimasut, paarlattuanilli avataa-ni raajaqassuseq ukiuni kungullerni sisamani malunnaateqarluartumik peqassuseq appariar-tupiloortoq.
- Tassa tamanit ukiuni kingullerni ilisimaneqalernikuuvoq, avataani raajat ikiliartornerinut ataqatigiissillugu aamma pisarineqartartut angissutsimikkut assut milliartupiloortut.
- Tamanna tunngaviginerullugu tassa avataasior-tut annertusiartortumik avataani raajartassa-raluatik pisarisinnaangisatilli, immikkut qinnuteqaateqarnermikkut sinerissap qanittuani aalisarneqarnissaannik piunasaqartalerput.

Taava soq sinerissap qanittuani pisassiissutit annertussusissaat 43%-imi inissisimajuassava?

Uanga isumaqarpunga avataasior-luni raajarnianut sinerisallu qanittuani raajarniartunut pisassiissutigineqartartut assigiimmik **50 / 50**-sinngortinneqartariaqartut.

Tamanna naapertorlugu eqqarsaatigilluarneqartariaqarpoq silatusaarnerussannginner-soq sinerissami qanittumi aalisartunut avataasior-lutillu aalisartunut agguaassisarnerup allanngortinnissaanut atatillugu piffissamik naammattumik siumut ilisimatitsereernikkut allanngortitsinissaq. Piffissamik naammattumik siumut ilisimatitsisarneq pillugu Inatsisartuni siornatigut oqaluserineqartarnerani

ilassutitut isumaliutissiisummik suliaqartoqarpoq, tassani ersilluni siumut ilisimatitsineq ukiunik 5-inik sivisunerussanngitsoq.

Pisortanut aningaasaqarnikkut allaffissornikkullu kingunerisassai:

§37 naapertorlugu apeqquteqaammur nr. 2015-290 Naalakkersuisut akissuteqarnerminni paasissutissiisutigaat: Sinerissap qanittuani aalisariutinut avataasiorlutillu aalisariutinut agguaariaatsimik allannguisoqassagaluarpas allaffissornikkut isumalluutitik atuinermi allannguisoqassanngitsoq nalilerneqarpoq.

Siunnersuut akuersissutigineqarpat, tamatumalu kingunerissaanik aalisarnermut inatsit allanngortinneqarluni, taava naatsorsuutigineqariissapput allaffissornikkut aningaasaqarnikkullu pisortanut kingunerisinnaasai – immaqqa ukiup affaani sulisumut aningaasartuutaasartut nalitoqataannik (250.000 kr. missiliorlugit).

Inuussutissarsiornermut aningaasaqarnikkut allaffissornikkullu kingunerisassai:

§37 apeqquteqaammur nr. 2015-290 akissuteqarnerminni paasissutissiisutigineqarpoq agguaasseriaatsimik allannguisoqassappat inuussutissarsiortut ilaannut aningaasartuuteqarfiussasoo, avataasiorluni aalisartunut tunngatillugu agguaariaatsimik allannguisoqarnissaa pillugu siusinaartumik piffissaliilluni ilimasaarisoqanngippat aammalu ingiaqatigitillugu allannguinissaq pillugu ilisimatitsisoqanngippat. Aalajangersakkanik killiligaanngitsumik akuersissutinik Inatsisartut killeqartunngortitsisinnaanerat apeqqutaatillugu inuussutissarsiutini illuatungeriit aalajangiineq eqqartuussivinnut misilinneqartussanngorlugu suliasanngortitsisinnaanerat mattunneqarsinnaanngilaq.

Aammalu takuneqarsinnaavoq: Agguaasseriaatsimik allannguisoqassagaluarpas sinerissami qanittumi aalisariutinut annerusumik sunnuteqassanngitsoq naatsorsuutigineqarpoq, tassami sinerissami qanittumi aalisariutit pisassiissutit amerlinerat tamakkerlugit aalisarsinnaassagaat naatsorsuutigineqarmat.

Naalakkersuisulli ilannguppaat, Inuussutissarsiortunut aningaasaqarnikkut allaffissornikkullu kingunerisinnaasai imaaliinnarlugu akineqarsinnaanngitsut, tamatumanimi itinerusumik mississueqqissaarnissaq pisariaqartinneqarmat.

Innuttaasunut aningaasaqarnikkut allaffissornikkullu kingunerisassai:

§37 apeqquteqaammur nr. 2015-290 akissuteqarnerminni paasissutissiisutigineqarpoq sinerissami qanittumi raajartassiisutinik maanna 43 %-init 50 %-inut allannguinerup kingunerissavaa raajanik tunisassiorfinnut tulaassuisarnerit amerleriarnissaat. Tamanna tunngavigalugu innuttaasunut suliffissaqartitsiniarnikkut iluaqutaassusaaq pilersinneqassaaq.

Naalakkersuisulli ilannguppaat: Avataasiorlutik sinerissallu qanittuani raajarnianut pisassiissutit assigiimmik avinneqarnerisigut raajarniarnermi aalisarsinnaatitaanernik siammaasoqarnissaanut sunnuteqarnissaa naatsorsuutigineqassaaq.